

SURAT PEKELILING
KETUA PENGARAH KESIHATAN MALAYSIA
BIL 4 / 2001

GARISPANDUAN
PENGAMBILAN PAKAR SWASTA UNTUK
BERKHIDMAT
DI HOSPITAL-HOSPITAL KERAJAAN

Unit Kerjaya Professional
Bahagian Perkembangan Perubatan
Kementerian Kesihatan Malaysia
20 Februari 2001

Naskah Perakuan Pengurusan Perubatan
Kementerian Kesihatan Malaysia

GARISPANDUAN PENGAMBILAN PAKAR SWASTA UNTUK BERKHIDMAT DI HOSPITAL-HOSPITAL KERAJAAN

1. Tujuan

- 1.1 Kertas ini bertujuan untuk memberi penjelasan mengenai garispanduan pengambilan Pakar Swasta untuk berkhidmat di hospital-hospital kerajaan.
- 1.2 Pengambilan Pakar Swasta perlu dilakukan dengan teratur, mematuhi kriteria tertentu serta mempunyai sistem pemantauan yang efisien memandangkan pengambilan mereka untuk berkhidmat di hospital kerajaan melibatkan kos kepada kerajaan. Sehubungan dengan itu, garispanduan sediaada iaitu *Garis panduan Pengambilan Pakar Swasta Untuk Berkhidmat Di Hospital Kerajaan Secara Sessional* yang mana telah diedarkan pada tahun 1992 dikaji semula serta dikemaskinikan.
- 1.3 Ia juga adalah susulan dari kajian semula cadangan dasar perolehan perkhidmatan perubatan swasta oleh hospital-hospital Kementerian Kesihatan Malaysia yang telah dibentangkan kepada Jawatankuasa Perolehan Perkhidmatan Perubatan Swasta pada tahun 2000.

2. Pendahuluan

- 2.1 Perlaksanaan perolehan perkhidmatan perubatan swasta telah dimulakan sejak tahun 1985 dan ianya adalah selaras dengan Dasar Pensyarikatan Malaysia di mana pihak swasta dan kerajaan sentiasa digalakkan menjalin kerjasama dalam pelbagai bidang bagi memajukan negara.
- 2.2 Ianya juga telah dapat membantu dalam mengatasi masaalah kekurangan Pegawai Pakar di hospital-hospital kerajaan.

3. Jenis Pengambilan

3.1 Pakar-Pakar swasta boleh berkhidmat di hospital-hospital kerajaan secara:-

3.1.1 Pengambilan Secara Sessional

3.1.2 Pengambilan Secara "Honorarium"

3.1.1 Pengambilan Secara Sessional

- Bagi perkhidmatan ini mereka *diberi bayaran mengikut kadar bayaran yang ditetapkan.*
- Perkhidmatan yang diberikan adalah *tidak melebihi dari 10 jam seminggu.*
- Selain dari tugas berjadual, mereka juga boleh dipanggil jika ada keskes kecemasan pada dan selepas waktu pejabat.
- Mereka boleh diminta untuk menjalankan tugas ganti sekiranya Pakar Kementerian Kesihatan Malaysia bercuti, bertugas di luar pejabat dan lain-lain. Untuk tugas ini, mereka *tidak boleh menjalaniinya lebih dari 5 hari beturut-turut.*
- Perkara-perkara di atas perlu dinyatakan dengan jelas di dalam "scope of work" yang dipersetujui.

3.1.2 Pengambilan Secara "Honorarium"

- Bagi Pakar yang dilantik oleh Kementerian Kesihatan Malaysia sebagai Pakar Kehormat (Honorary Consultant) berdasarkan kepakaran masing-masing.
- 3.2 Bagi kedua-dua cara di atas, *surat perjanjian perlu ditandatangani* diantara Pengarah Kesihatan Negeri yang terlibat dan Pakar Swasta.

4. Kadar Bayaran

- 4.1 Kadar bayaran bagi pengambilan Pakar Swasta secara **sessional** adalah mengikut kadar bayaran yang ditetapkan iaitu:-

4.1.1 Perkhidmatan Perubatan - RM 100.00 sejam

4.1.2 Perkhidmatan Bedah - RM 120.00 sejam

(kelulusan dari Kementerian Kewangan Malaysia melalui surat rujukan KK/BP 09/547/1lid. 4(36) bertarikh 3 Mei 2000)

4.1.3 Bagi Pakar Swasta yang menjalankan tugas ganti, "scope of work" perlu dinyatakan dengan jelas dan dibayar atas kadar yang sama.

4.2 Bagi pengambilan Pakar Swasta secara "honorarium", sejumlah RM 3000.00 setahun akan dibayar sebagai penghargaan.

5. Kelayakan Dan Syarat Perkhidmatan

5.1 Pakar-Pakar Swasta yang ingin berkhidmat di hospital kerajaan perlu memenuhi syarat-syarat berikut :

5.1.1 Had umur tidak melebihi 65 tahun.

5.1.2 Mempunyai ijazah MBBS, MD atau setaraf dengannya yang diiktiraf oleh Majlis Perubatan Malaysia.

5.1.3 Mempunyai ijazah kepakaran di bidang berkenaan yang diiktiraf oleh Kementerian Kesihatan Malaysia.

5.1.4 Telah diwarta atau diiktiraf oleh Kementerian Kesihatan Malaysia atau oleh badan-badan yang setaraf dengannya (seperti Universiti).

5.1.5 Telah berkhidmat dengan kerajaan atau Universiti sekurang-kurangnya 5 tahun.

5.1.6 Mempunyai sekurang-kurangnya 2 tahun pengalaman di bidang kepakaran berkenaan.

5.1.7 Perlu melibatkan diri dalam aktiviti-aktiviti latihan dan pendidikan seperti "Continuous Medical Education" (CME) dan "Continuous Professional Development" (CPD) terutamanya kepada pegawai yang akan mengambil peperiksaan ijazah lanjutan.

5.2 Perkhidmatan *hanya boleh dijalankan di hospital-hospital yang telah menyediakan perkhidmatan pakar* dan terhenti kerana ketiadaan pakar sediaada (bertukar, bersara, letak jawatan dan sebagainya). Ini bagi mempastikan kesinambungan perkhidmatan.

- 5.3 Bagi hospital-hospital yang telah sediada mempunyai pakar kerajaan, pengambilan pakar swasta sebagai tambahan boleh dipertimbangkan sekiranya terdapat beban kerja yang tinggi atau sebab-sebab lain yang munasabah.

5.4 Tahap perkhidmatan (level of service) Pakar Swasta bagi setiap disiplin adalah seperti yang ditentukan oleh Ketua Jabatan hospital berkenaan.

6. Prosidur Perlantikan

- 6.1 Pakar Swasta yang ingin memberi perkhidmatan ini boleh memohon melalui hospital yang memerlukan perkhidmatan tersebut. Permohonan hendaklah disertakan dengan salinan ijazah kepakaran, curiculum vitae, Sijil Akuan Tahunan dan sebagainya (**borang permohonan - Lampiran 1**).

6.2 Bagi pengambilan Pakar Swasta secara "honorarium" pula, Pengarah Kesihatan Negeri/ Pengarah Hospital/ Ketua Jabatan sesuatu disiplin boleh mencadangkan pengambilan tersebut ke Medical Advisory Committee (MAC) di peringkat hospital.

6.3 Permohonan-permohonan ini akan ditentukan keperluan dan "availability" sesuatu kepakaran oleh Medical Advisory Committee (MAC) di peringkat hospital.

6.4 Semua permohonan yang dipersetujui perlu dikemukakan ke Jawatankuasa Pengambilan Pakar Swasta Peringkat Negeri yang perlu ditubuhkan untuk kelulusan. Jawatankuasa ini terdiri dari;

6.4.1 Pengarah Kesihatan Negeri Pengerusi

6.4.2 Timbalan Pengarah Kesihatan Negeri (Perubatan)

6.4.3 Timbalan Pengarah Kesihatan negeri (Penurusan)

6.4.4 Pengarah Hospital (yang berkenaan)

6.4.5 Ketua Jabatan Hospital Negeri (perkhidmatan yang akan diberikan)

6.4.6 Ketua Penolong Pengarah (Perubatan) - Setiausaha

6.5 Ulasan mengenai keperluan serta kemudahan yang diperlukan di hospital dan sebagainya perlu dibincang sebelum kelulusan diberikan.

6.6 Setelah diluluskan, kedua-dua pihak, Pengarah Kesihatan Negeri dan Pakar Swasta perlu menandatangani surat perjanjian bagi mengelakkan sebarang masaalah "medico-legal".

6.7 Tempoh perlantikan adalah selama 2 tahun. Kedua-dua pihak boleh menamatkan perjanjian dengan memberi notis bertulis dalam tempoh 3 bulan dari tarikh pemberhentian.

7. Tugas dan tanggungjawab Pakar Swasta

7.1 Memberi perkhidmatan di dalam bidang tugas seperti yang telah dipersetujui.

7.2 Menjalankan tugas mengikut jadual yang telah disediakan.

7.3 Boleh dipanggil jika ada kes-kes kecemasan pada dan selepas waktu pejabat.

7.4 Boleh menjalani tugas ganti jika sekiranya Pakar Kementerian Kesihatan Malaysia bercuti, bertugas di luar pejabat dan lain-lain.

7.5 Mematuhi semua peraturan-peraturan yang sedia ada di-hospital dan arahan-arahan yang dikeluarkan oleh Pengarah Hospital /Ketua Jabatan / Pakar yang bertanggongjawab.

8. Tugas dan tanggungjawab Pengarah Hospital/ Ketua Jabatan/ Pakar Yang Bertanggungjawab
 - 8.1 Menyediakan jadual tugas atau program untuk Pakar Swasta untuk dirunding sebelum memulakan tugas.
 - 8.2 Mengawasi perkhidmatan Pakar Swasta dan memberi teguran secara bertulis dan sebagainya kepada Pakar Swasta yang tidak mematuhi peraturan.
 - 8.3 Mengemukakan laporan penilaian (**borang - lampiran 2**) perkhidmatan Pakar Swasta kepada Jabatan Kesihatan Negeri setiap akhir tahun (12 bulan) perkhidmatan.
9. Tugas dan tanggungjawab Pengarah Kesihatan Negeri
 - 9.1 Pengarah Kesihatan Negeri adalah bertanggungjawab mengawasi perlaksanaan surat perjanjian.
 - 9.2 Memaklumkan pengambilan Pakar Swasta ke Bahagian Perkembangan Perubatan serta menghantar sesalinan surat perjanjian yang lengkap.
 - 9.3 Mengemukakan laporan penilaian (**borang - lampiran 2**) perkhidmatan Pakar Swasta kepada Bahagian Perkembangan Perubatan setiap akhir tahun (12 bulan) perkhidmatan.

10. Pertanyaan

- 10.1 Segala pertanyaan mengenai garispanduan ini hendaklah dirujuk kepada:

Pengarah Perkembangan Perubatan
Bahagian Perkembangan Perubatan
Kementerian Kesihatan Malaysia
Jalan Cenderasari, 50590 KUALA LUMPUR

11. Tarikh Perlaksanaan

- 11.1 Garispanduan ini berkuatkuasa serta merta.

*Unit Kerjaya Professional
Bahagian Perkembangan Perubatan
Kementerian Kesihatan Malaysia
Februari 2001*